

靈寶無量度人上品妙經卷之五十四 第四

斬馘不祥品

道言昔於始青天中紫陽泛歌大福樂土受  
元始度人斬馘不祥妙品元始天尊當說是  
經周迴十過以召十方始當詣座天真大神  
上聖高尊妙行真人靈威神王黑天玉京大  
將斬邪馘毒威兵巨魁伏魔誅鬼都吏無鞅  
數衆乘空而來寶雲接天明霞覆海瑤車玉  
輪珠景垂蔭飛華妙光疊彩葱蒼森映碧空  
三日三夜詣天宮殿山川谿谷混交九色三

辰定照五斗停機四極運明神烟澄霽一國  
地土都鄙人物迭相鑒燭萬身入於一身一  
影普涵萬影色空同顯神氣合冥遐邇若等  
無復高下土變柔碧洞徹九虛衆真侍座  
元始天尊玄坐雙景迴旋神龍天寶之座說  
經一遍諸天大聖同時稱善是時一國男女  
天身淨睦妙香飄馥說經二遍天境高嚴九  
霄散綺說經三遍沆露凝珠寶林綴網說經  
四遍天籟成音瓊金流響自然法唱讚詠冲  
玄說經五遍水光湛瑩海嶽呈祥說經六遍

靈寶元量度人上品妙經

飛仙揚花彌空錦色說經七遍靈威降世掃  
滅祲氛說經八遍三界蒙福人道安寧說經  
九遍六氣順常三災消殄說經十遍天真下  
濟說法度人是時一國是男是女莫不傾心  
皆受護度咸得長生

道言是時元始天尊說經一遍東方無極無  
量品靈威勅法大神無鞅之衆浮空而至說  
經二遍南方無極無量品靈威斬袂大神無  
鞅之衆浮空而至說經三遍西方無極無量  
品靈威斬鬼大神無鞅之衆浮空而至說經

四遍北方無極無量品靈威斬精大神無鞅  
之衆浮空而至說經五遍東北無極無量品  
靈威典獄大神無鞅之衆浮空而至說經六  
遍東南無極無量品靈威斬邪大神無鞅之  
衆浮空而至說經七遍西南無極無量品靈

十四

二

威飛符大神無鞅之衆浮空而至說經八遍  
西北無極無量品靈威吐毒大神無鞅之衆  
浮空而至說經九遍上方無極無量品靈威  
九首大神無鞅之衆浮空而至說經十遍下  
方無極無量品靈威殺伐大神無鞅之衆浮

靈寶度量人上品妙經

空而至十遍周竟十方無極靈威大神一時  
同至一國男女傾心歸仰來者有如歸雲歛  
霧無鞅之衆遍滿一國咸覲和寧斬馘群醜  
不祥捐蕩境宇鎮清駢杏疑瞻非可禁止於  
是元始天尊於眉間示現金色光明色光宛  
轉於其光中化出十方宮殿戶牖敞對重堂  
巍閣光氣同流冉冉浮空去地五丈也元始  
登引天真大神上聖高尊妙行真人十方無  
極靈威大神無鞅數衆俱入化宮之中天人  
仰看惟見勃勃從化宮金光中入既入光中

不知所在國人廓散神宮流轉勢如旋虹元  
始即於其內說經都竟衆真監度以授於我  
當此之時喜慶難言法事粗悉諸天復位倏  
歛之間寂無遺響是時天人遇值經法普得  
濟度邪正道分斬魔馘袂蕩滅不祥傾土歸  
仰咸行善心正智正道正神正念正思正意  
正力正威正行正儀言詞朗直口慧和聲齊  
同慈愛異骨成親國安民豐欣樂太平正教  
開廓魑魅誅平道妙至真悉廣明心寶奉宗  
禮皆得度世

道言元始天尊說經中所言並是諸天上帝  
正真內名隱韻之音亦是十方靈威神王內  
諱斬馘不祥之隱名也非世之常辭上聖已  
成真人探妙極微能悉其章誦之十過諸天  
命靈八威鼓氣神官執刺魔帥稟章網緯合  
軌元魁吐暉邪精滅迹鬼徒喪形正道通心  
真光衛寬陽施至德死而更生至學之士誦  
之十過則九天策名五帝給乘三元備兵惡  
注逃殞生功充盈邪闕杜塞赤書降庭福源  
自布災殃不經所以爾者學士感徹玉清高

卷四十五 四

上遐鑒羽葆列營召制十方威被六天道爲  
太極所仰萬靈咸尊已試無難固守黃寧地  
祇敬伏攝御魔靈辟除災病永與生存輕誦  
此章削落胎元神廬圯摧七魄蹈揚供養尊  
禮門戶興隆霄京降契福祿共滂大帥秉鉞  
斬馘不祥世授道德孫葉茂昌慶善相因萬  
災伏藏斯經尊妙獨步玉京度人無量爲大  
法之宗魏魏正氣天德自勝

道言凡誦是經十過諸天齊到神網五斗巨  
天斬馘大騶甲士威南巨兵五天大帥部率

十方靈威河魁大神銜符操鉞即至其所  
捕九醜暗澤幽川古空巫祠一切祆魅及以  
寬爽依附木石潛遶生人誣訟三官覲伺禱  
祭四目大呼神虎奮翅毒獸舉牙擲火激電  
斬首馘耳世之不祥應皆蠲蕩也古四上學之士

修誦是經青房大神鳴鈴以却穢紫戶將軍  
引劍以辟魔王女叩瓊於九室黃老振音於  
三素也世人受誦則延壽長年黃庭之下戶  
白雲之窮閭泉曲寒池萬鬼弭執腎海不波  
水怪竄迹上官唱善三府樂玄後皆得作尸

卷五十五第四

解之道魔鬼不得而徵呼地司不得而攝錄  
神氣蘊形自成法體魔精受鍊飛行太空此  
經微妙普度無窮一切天人莫不受慶天界  
五魔中元五尸地司五考永斷不祥長保元  
吉無量之福生死蒙惠上天所寶不傳下世  
至士齋金寶效心盟天而傳輕泄漏慢殃及  
九祖長役鬼官侍經五帝玉童玉女各二十  
四人營衛神文保衛受經者身

道言正月長齋誦詠是經召攝北濟洞陰尊  
神部督神兵奏詣上宮七月長齋誦詠是經

召攝中天五帥三界大魔紫微帝君統按百  
神滌蕩邪源掃滅秋氛十月長齋誦詠是經  
召攝六天洞臺之靈三官曹局考覈大神執  
御八山勾鎖勅殺大神九首龍君斬馘故氣  
不祥窮蒐五殛疫毒土木百精害於生類羗  
夷鬼神使國界安寧人民遂成國王帝主君  
臣父子安鎮國祚保天長存世世不絕常為  
人君安鎮其方民稱太平八節之日誦詠是  
經召攝八天大威烟火洞熏太一八神八殺  
靈君領駕風雲遊盼九官孤虛竒門斬馘不

祥無使亂程本命之日誦誅是經召攝三真  
升入泥丸斗極紫烟中黃上真口吐青華鎮  
兆等身三尸消落殃疰枯焚黑結白斫斬伐  
無停三帝紀功七真運靈神童導前身有光  
明三界侍衛五帝司迎萬神朝禮名書上天  
功滿德就飛昇上清

道言行道之日皆當香湯沐浴齋戒入室  
東向叩齒三十二通上聞三十二天心拜  
三十二過閉目靜思身坐青黃白三色雲  
氣之中內外翳冥有青龍白虎朱雀玄武

獅子白鶴羅列左右三天直事左右兵吏  
殺鬼使者斬馘天駟森然備衛日月照明  
洞煥室內項生圓象光映十方如此分明  
密呪曰

無上玄元太上道君召出臣身中三五功曹  
左右官使者侍香玉童傳言玉女五帝直符  
直日香官各三十二人關啓所言今日吉慶  
長齋清堂修行至經無量度人願所啓上徹  
徑御

無上三十二天元始上帝至尊几前畢

引炁三十二過東向誦經

元始無量度人上品妙經

雷四

六

元始洞玄靈寶本章斬馘不祥十迴度人破  
邪隱韻離合自然太无无名混洞北清太一  
正真化爲老人紫羽錦褙腰帶流鈴首建天  
英執御洞經口吐靈和斬馘百精天和至真

靈寶度量上人上品妙經

真氣煥明五色玄黃八角成文龍章虎書符  
圖啓靈化生六甲役使六丁三元定錄五帝  
變形開廓陰穢正道聿興無文不光無文不  
明無文不立無文不成無文不度無文不生  
是謂大梵天中之天玉符妙重諸天所尊變  
化金闕上清之神太霄九華梵氣洞冥圓羅  
紫極七九合玄玄臺玉京中有上皇斬邪討  
斲惡源消斷真道自然自然靈威火山炎池  
冶鍊至神龍巾鳳衣主攝不祥聖曠通開萬  
二千神符圖火兵俠衛上皇都校三元眇眇

卷四十五

玄道若亡若存雙景內朝陰陽循環紫景白  
霏嚴駕不停大行梵氣周迴十方中有三天  
正法之神中有北玄斬邪之君中有司禁勅  
法之神中有神符保命之君中有六天督護  
丈人中有九天司命採察之君巡遊五嶽丈  
人都禁真官身化水火立生風雲神么萬億  
虎賁兆民斬馘不祥無量度人今日校錄諸  
天臨軒

東方無極靈威神王長生大聖無量度人  
南方無極靈威神王長生大聖無量度人

靈寶先度量人上品妙經

西方無極靈威神王長生大聖無量度人  
北方無極靈威神王長生大聖無量度人  
東北無極靈威神王長生大聖無量度人  
東南無極靈威神王長生大聖無量度人  
西南無極靈威神王長生大聖無量度人  
西北無極靈威神王長生大聖無量度人  
上方無極靈威神王長生大聖無量度人  
下方無極靈威神王長生大聖無量度人  
十方至真靈威神王長生度世無量大神並  
乘紫氣丹霞伺光赫衝翠旌錦節素蓋瓊輿

卷第五十四

驂御龍虎導從仙真建五神流輝之幢三素  
翔鷹之紱前嘯玉籟齊唱後吹碧簫同鳴絳  
鵝青禽嘯歌雍雍四明治道五仙陪車億乘  
萬騎浮空而來傾光迴駕檢錄不祥諸天上  
公北鄴真宰九天都司七政八靈騁霧凌風  
奔馳炎獸擲旗鼓革號呼獵響執案考籍齊  
到帝前隨所應度嚴校諸天下及人都幽關  
冥界無極神鄉泉曲之府北都羅鄴三官九  
府十二河源爍羅鬼國二十四境幽獄罪徒  
生寃死魄停繫獄瀆注害世間喜為不祥促

人壽命發災興毒成厄誣冤放施毒邪臨民  
命祿使福德不備智暗偏稟剋天族屬陰曹  
肆便宄惑綿邈嚴奉赤文祇行符命神刀斬  
戮萬鬼糜睛解釋粗考億劫種親及大魔冤  
攻蝕攝考肆虐生民不得拘留逼合鬼群元  
始符命時刻昇遷赦過伐罪一一記名此都  
寒池部衛形寬制魔保舉度品南宮世無災  
殃福慶自生不斬馘者鬼錄課盟死冤受鍊  
仙化成人生身受度億劫無傾陰陽九六常  
與善循隨劫輪轉與天齊年永度三途五苦

八難超凌三界逍遙上清上清之天天帝玉  
真無色之境梵行

東方八天

紫景玉華天

帝肇符喜生

都極重明天

帝鬱黎兼登

宣真都正天

帝覺靈定符

穹耀思微天

帝正辨九區

蒼微露帝天

帝敦和學謀

至正常無天

帝孔彰儀能

靈姬肇符天

帝元昌崇

耀樞觀化天

帝龍扶越聰

南方八天

赤明耀明天

帝賈須騫蒲

阮諸綿丙天

帝珠銀崧圖

太真素霞天

帝鳳跖玉孫

道山空際天

帝九星演湖

洞浮紫華天

帝光平敷

元理妙機天

帝奧庭竟星

嶠嶼洞洪天

帝別南彥冥

烈歛高晨天

帝黨輔元需

西方八天

寥霞雲素天

帝偃庭千鉏

化宛丘緒天

帝援揚斗然

九道化陽天

帝勃羅會明

八地素曆天

帝願慈真逾

太微妙觀天

帝孽嶺昭淵

飛華浩圓天

帝翥棋夷妃

金映灑都天

帝那離權機

玉鍊道成天

帝虞亭珎

北方八天

靈寶元量人上品妙經

冥洞斗魁天

帝術遐卷承

雉室羅宏天

帝雲笏潛虛

玄靈修化天

帝尚賢玉明

除真穹臺天

帝羅都元虛

太霞玄真天

帝暮緣景昌

混明燿景天

帝真期陽

靜順慶宗天

帝部靜祉詹

玄精秀光天

帝卞丁千期

三十二天三十二帝諸天隱諱諸天隱名天

中空洞自然靈章諸天隱韻天正之音天正

之尊天正之神天正大魔天正之靈氣和道  
合變化此清出教布正萬邪莫干劍芒斬梟  
鬼井逃奔玄文紫書雲篇洞章敷落神真普  
度天人生兆正氣奕奕法輪長矛巨矢瀝血  
喪睛今日急速關察火令橫摧斬讖割滅五  
帝列儀炎烟萬丈雷電交馳車破鬼營兵散  
積屍冥官送檄九道併追飛行五門順逐三  
奇神王稽顙六天迎魔東斗降氣西斗垂網  
此斗勅法南斗火然中斗紫宸役御九天青  
帝變文白帝斬形赤帝傳符黑帝運神黃帝

出今萬靈咸聽青天神王瞿羅彭興赤天神  
王鼓畢冲明白天神王虎目昌英黑天神王  
碑石漂凌黃天神王晶都架凝五天神王萬  
神之宗斬鬼億千馘殄不祥總領鬼兵泛泳  
大荒麾幢鼓節遊盼翔翔霞結成書龍舉為  
章火風赫炎諸天齊功上天斬邪嚴攝北鄧  
神公受命普掃不祥丹靈敷熾黃越誅殃六  
手操兵鐵額擲烟食邪之獸啖鬼之王霜甲  
秋陣殺氣夜河元帥統軍大帝命魔玄老前  
戮龍將殿圍擁騎雲崑玉鉞迎阿玄獸吞鎗

青斗列言速登我前敢有干試拒遏上真羽  
葆轉碧鸞惟翊軒萬旅震途群真回駟屠割  
摧裂毒求激淵邪道靜默有誅無捐萬萬截  
首千千剗魔無干犯鬼無祆精三官北酆  
明檢鬼管不得容隱金馬驛呈普告無窮靈

世門

十一

威俯聽地司五皇列言上清

寥無恢運幽虛舍精龍漢延康浩浩赤明劫  
成界開陰陽體名倏忽變化三景玉清上通  
無玄下際無淵風為陰火水為陽津風秀成  
爛水凝為石洞虛穹貫三十二天中有正氣

靈寶度量人上品妙經

為道高真辟除萬邪會歸正明至化通玄鬼  
試莫干道為天父神為氣根金剛乘天天無  
幽冥天無形影天無極窮溟滓大梵為道之  
宗遼廓天光萬象畢容爰有九都為鬼之皇  
與帝同生龍穴傍徨擅治六天害正無先元  
始開圖赤明洞張三界化現千神佩璫玉文  
誅斬馘滅不祥麟迹虎符飛雲併臧元氣成  
符精魁滅亡帝一捧日玉女侍傍梵氣流行  
仙聖穰穰正意梵魔萬法克揚絡雲架霞纈  
珠垂芒丹繩絳縷屈曲低昂上布玉清三十

二天輪轉無色周迴十方玉宇分譯大極洞  
房長樓寶山妙臺玉堂正天運度消滅不祥  
氣運五色玉虹莫方旋角歷氏遶心蒂奎牛  
女入斗冥杵四飛橫度中樞迴行五緯二十  
八舍總氣真元八威合氣氣入太元玄中帝  
皇洞陰北真身帶瓊鬘頭建神光泛景紫霞  
彌詠洞章流鈴電火響震鬼管玉真吐氣靈  
官騎星風火救命金石生烟地囊泮潰屍魅  
昇仙千化萬移自然知真知真得道道性通  
神中有至真長生大君九氣丈人八極尊神

五天元宰總正神靈太一轉式司命揀卿齊  
到下方斬伐祿倫符籙前驅兵馬糾紛青髻  
蝕暈赤靈考覈校約宿命俱奏崑崙上遊上  
清出入黃房八冥之內鬼道不祥束送帝君  
及於世間生化所因不得隱避枉禍善人細  
微之中下鎮人身泥丸絳宮黃池紫海十二  
之泉寒夜幽路百鬼之群佩服者書八會神  
文氣血流轉斬馘邪神鬼祖畢陽聽命喪精  
寶符降告變骨成真中理五氣混合百神十  
轉回靈萬氣齊仙仙道自生無量度人神入

天門心自通真神珠運行如大法輪精守禁  
戒信悟因緣心目爲開見道真形普受開度  
死覓生身身得受生上聞諸天諸天之上各  
有生門變極不窮自然常存存者無形空洞  
合明謠歌之章神王靈篇辭參高真

第一天界靈威正道神王飛空之音

玉巔碧嵯

鳳軒八敞

雲螭在樓

飛仙俯仰

金馬奔衝

星階重重

太極化生

真人遊龍

正氣盤蔚回

車梁光無窮

赤書布金斗

立召四月初

為誅萬道魔 千邪不為凶 三明炯無昏

壽以浩劫終 天老發紺城 長劍磨太嵩

精崇滅形影 哀哀畏刀風 我降九霄氣

嚙之洞樓中 施以救世悲 成此脫度功

第二人界靈威破邪神王之章

廿四

十三

絳章虎裳 泛華十天 龍刀斬邪

六道侍軒 印光凝海 劍氣飛雷

戮滅不祥 正道所歸 小醜其何

禍試之媒 我有洞章 奸害元施

大君惠生 慶錫難老 金華九色

與天相保

靜智合神

玄元體妙

蠢茲繁生

蒙蔽真道

廣度天人

萬善同因

劫界共長

上帝宏恩

制魔成真

天籙紀名

邪無干犯

仙聖受盟

元始洞空

悟者幾人

能悟自然

泠泠玉音

第三地界靈威斬鬼神王歌曰

茫茫塊壘

下有重山

蒼崔白雲

往者不還

太上哀之

請度無間

神風飄霞

碧玉鸞環

出書九幽

赤文乃宣

制魄拘魂

斷此幽關

生類何辜

刑禍孱類

明明太帝

正氣自然

真道正明

子得昇遷

捨此塵埃途

庶免陰邪源

我有元始章

誦詠萬祖遷

結滯超然散

默契歸無言

度人豈終窮 勤此真王篇

此三界之上飛空之中真王歌音音參洞章

誦之百遍名度南宮誦之千遍真王保迎萬

遍道備飛昇太空過度三界位登仙公有聞

靈音神王敬形勅制地祇侍衛送迎拔出地

戶五苦八難七祖昇遷永離鬼官寬度朱陵  
受鍊更生斬馘世不祥福慶隨日增是謂無  
量普度無窮有祕上天文諸天共所崇泄慢  
墮地獄禍及七祖翁

道言此二章並是諸天上帝及靈威神王隱

會四

十四

祕之音皆是大梵之言非世上常辭皆斬馘  
不祥之要旨六天殺鬼之司名陰類沮喪邪  
精消却身得長生位登仙真故謂玄奧難可  
尋詳上天所寶祕於玄都紫微上宮依玄科  
四萬劫一傳若有至人齋金寶質心依舊格

皆盟十天然後而付焉

道言夫斬馘不祥之道實繫大法有四謂九  
六運終三景虧盈聖神休否末學疾傷凡有  
此災不祥之重同氣皆當齊心修齋六時行  
香十遍轉經北極中玄天帝君洞陰天尊當  
勅飛雷電騎五方殺伐大神威劔神王符圖  
火兵素梟赫天元帥下降斬馘災咎福德立  
降消諸不祥無量之文普度無窮

道言末學道淺真業未成有冥泉之鬼六天  
之神妄作災凶違諸厄難身年注害福祿減

削門戶不寧家庭崇害同學至人爲其行者  
誦經十過以解穰刑禍祓除直穢如法中天  
大神七元真氣下入身中吉祥自生永保利  
貞長存不滅便得神仙

道言夫欲諸天降庭神兵衛身斬馘不祥者

言四

十五

齋戒誦經可以致仙真除咎癘也天地運終  
星宿錯度日月失昏四時失度陰陽不調兵  
革時動疫毒流行兆民夭傷師友命過皆當  
修齋行香誦經夫齋戒誦經功德甚重上消  
天災保鎮帝王下攘毒害以度兆民生死受

賴其福難勝故曰無量普度天人

道言凡有是經能為天地帝主兆民行是功德有災之日發心修齋燒香誦經十過皆諸天記名萬神侍衛右別至人剋得為聖君金闕之臣諸天記人功過毫分無失天中神王亦保舉爾身得道者乃當洞明至言也

諸天中大梵隱語無量音

道君撰

元始靈書斬馘不祥玉篇

東方八天

明箕海芒 黨路徐忱 珏勤合帝

如輔洞真 鬱依多迂 麥恪需雲

極河沙那 碧浙東霄 持定羽願

法坡波吟 魯朝仙英 依連極珂

偃祕羅岑 月珠素離 美披元謠

寶楮宏參

南方八天

八陞九首 攸敦過壺 皇鎮洞樊

鄒阿頻蘇 玄尚流函 屠論佑霞

道悟正元 麓謀仙居 敬逸元岨

景著真丘 圓羅李僕 凝宜啓珠

雲題迳粵 賢梵遍涂 蕩原宋歸

澄幾演虛

西方八天

直隨宛藪 智嬰茲洪 河究通極

正斗飛雲 秘鏗剛眉 岷池耀宗

廿四

十六

告辨丁孟 嘉社元侯 吉河大魁

將馘冥求 金度冶華 紫鎮平優

玄道維寂 無始光休 仙氣司屢

酉露消舟

北方八天

黃玄載元 猊虎昇乾 梵景流珥

符傳炎宣 遶躍度命 微玄力延

儀公丹鑒 隱悟定仙 謹濟順常

道明妙筌 軟審騰盈 府圖凝邊

龍黎惡沙 變歌保天 洞瑞素尤

芝瑜功都

道言此諸天中大梵隱語無量之音舊文刻  
紀北都玄臺紫微南館下通鄼羅九幽泉關  
以降道威神馘除鬼魔陰魄屍蠱之氣天真  
皇人採洞清之華染丹筆以成文字皆廣長

一丈以爲正音有知其音能齋而誦之者諸  
天皆遣護正斬邪之神天毒八威九首四目  
之吏導從丁史下衛其身剪伐不祥惠以福  
澤延命降真書其功勤上奏諸天萬神朝禮  
地祇侍門大勳真王保舉上真道備剋得遊  
行三界昇入金門由曰此音無所不辟無所不獲十七  
無所不度無所不成天真自然之音也故誦  
之致天真下觀上帝遙唱萬神朝禮三界侍  
軒群袂東首鬼精自亡琳琅振響十方肅清  
河海靜默山嶽吞烟萬靈振伏招集群仙天

無氛穢地無袂塵冥慧洞清大量玄玄也

元始無量度人上品妙經卷之五十四